



Til:
Efni:
Upplýsingar:

Óskar Örn Gunnarsson <oskar@landmotun.is>
Re: Ósk um umsögn verkefnislýsing á endurskoðun aðalskipulags Skagastrandar
Sent: 05-06-2019 09:05:51 af Trausti Baldursson, Málsnúmer: 2019050007, Bréfalyklar: 42-0
almennt

Tilvísun í mál: 2019050007

Vísað er í meðfylgjandi tölvupóst frá sveitarfélaginu Skagaströnd, dags. 8. maí sl., þar sem óskað er eftir umsögn Náttúrufræðistofnunar Íslands um skipulags- og matslýsingu vegna endurskoðunar Aðalskipulags Skagastrandar 2019-2031.

Náttúrufræðistofnun hefur farið yfir framangreinda skipulags- og matslýsingu og telur að í henni sé gerð grein fyrir flestum þeim þáttum sem þarf að fjalla um í áframhaldandi vinnu við gerð aðalskipulagsins og snúa að hlutverki stofnunarinnar. Í lýsingunni er m.a. komið inn á náttúruminjaskrá og gerð grein fyrir hlutverki skrárinnar. Einnig er fjallað um heimsmarkmið Sameinuðu þjóðanna og í matslýsingunni er farið nánar í þau viðmið um náttúruvernd sem höfð verða til hliðsjónar við gerð skipulagsins s.s. viðmið í lögum um náttúruvernd og einnig er vísað í stefnuyfirlýsingu núverandi ríkisstjórnar.

Við frekari vinnslu skipulagsins vill Náttúrufræðistofnun sérstaklega benda á eftirfarandi atriði í lögum um náttúruvernd nr. 60/2013. Stofnunin leggur áherslu á að í skipulagsvinnunni verði skoðað hvernig væntanleg endurskoðun aðalskipulagsins samræmist almennum markmiðum laganna sem koma fram í 1., 2. og 3. gr. þeirra, 1. gr. (*Markmið laganna*), 2. gr. (*Verndarmarkmið fyrir vistgerðir, vistkerfi og tegundir*) og 3. gr. (*Verndarmarkmið fyrir jarðminjar, vatnasvæði, landslag og víðerni*), og einnig verði umfjöllun í skipulaginu í tengslum við einstakar greinar sem geta átt við. Hér má t.d. nefna greinar 6. til 12. um meginreglur hvað varðar náttúru- og umhverfisvernd, 14. gr. um hlutverk náttúruverndarnefnda, kafla IV um almannarétt, útivist og umgengni, kafla IX um friðun vistkerfa, vistgerða og tegunda, 61. gr. um sérstaka vernd vistkerfa, jarðminja o.fl., 63. grein um framandi lífverur og svo auðvitað kafla XII um skipulagsgerð, framkvæmdir og fleira, greinar 68. til 73., þar sem komið er inn á gerð skipulagsáætlana, hönnun mannvirkja og ræktun.

Mikilvægt er að skoða a.m.k. allar framangreindar lagagreinar í skipulagsvinnunni þó þær geti ýmist átt við eða ekki.

Jafnframt vill Náttúrufræðistofnun benda á eftirfarandi gögn sem geta komið að notum: Fjölrit nr. 54, Vistgerðir á Íslandi, http://utgafa.ni.is/fjolrit/Fjolrit_54.pdf og <http://ni.is/grodur/vistgerdir> sjá jafnframt kortasjá <http://ni.is/midlun/utgafa/kort/vistgerdakort>, og Fjölrit nr. 55, Mikilvæg fuglasvæði, <http://ni.is/dyr/fuglar/mikilvaeg-fugasvaedi> og http://utgafa.ni.is/fjolrit/Fjolrit_55.pdf. Jafnframt er bent á að stofnunin hefur nýlega lagt til við umhverfis- og auðlindaráðuneytið, að vernda skuli ákveðin svæði á landinu og að þau verði sett á framkvæmdáætlun eða B-hluta náttúruminjaskrár í samræmi við lög nr. 60/2013. Öll svæðin má sjá hér: <http://ni.is/midlun/natturuminjaskra> en einnig má skoða tillögurnar í kortasjá, <https://natturuminjaskra.ni.is/>. Á það skal bent að tillögur Náttúrufræðistofnunar til ráðherra eiga eftir að fara í formlegt ferli í samræmi við 36. grein fyrrgreindra laga. Á þessari stundu segja tillögurnar því ekkert um hvort ákveðið skipulag/starfsemi falli að verndartillögu eða ekki eða hvort tillaga nái fram að ganga. Nái tillögurnar fram að ganga á einnig eftir að fjalla um skilamála sem varða verndina. Það skal því ítrekað að hér er um faglegt álit Náttúrufræðistofnunar að ræða sem eftir á vinna úr í samræmi við lög um náttúruvernd. <http://ni.is/midlun/natturuminjaskra> Einnig má sjá upplýsingar um 61. gr. náttúruverndarlaga hér: <http://www.ni.is/frettir/2018/07/natturufyrirbaeri-sem-njota-serstakrar-verndar-i-kortasja>

Náttúrufræðistofnun leggur áherslu á að allar ákvarðanir í skipulagsvinnunni byggji á sem bestum þekkingargrunni hvað varðar náttúrufar og alltaf sé leitað leiða til að koma í veg fyrir neikvæð áhrif á náttúruna.

Virðingarfyllst,

Trausti Baldursson
Náttúrufræðistofnun Íslands
Icelandic Institute of Natural History
Urriðaholtsstræti 6-8
210 Garðabær
Sími/Tele: 590 0500
Email: trausti@ni.is



Frá: Óskar Örn Gunnarsson <oskar@landmotun.is>

Dags: 05/08/2019 11:07:00 AM

Til: "sigurjon@hnv.is" <sigurjon@hnv.is>, "postur@minjastofnun.is" <postur@minjastofnun.is>, "skaga.byggd@simnet.is" <skaga.byggd@simnet.is>, "skagafjordur@skagafjordur.is" <skagafjordur@skagafjordur.is>, "anr@anr.is" <anr@anr.is>, "fiskistofa@fiskistofa.is" <fiskistofa@fiskistofa.is>, "vegagerdin@vegagerdin.is" <vegagerdin@vegagerdin.is>, "samgongustofa@samgongustofa.is" <samgongustofa@samgongustofa.is>, "rarik@rarik.is" <rarik@rarik.is>, "skogur@skogur.is" <skogur@skogur.is>, "ust@ust.is" <ust@ust.is>, "upplýsingar@ferdamalastofa.is" <upplýsingar@ferdamalastofa.is>, "ni@ni.is" <ni@ni.is>, "skipulag@skipulag.is" <skipulag@skipulag.is>
cc: Sveitarstjóri <sveitarstjori@skagastrond.is>, Margrét Ólafsdóttir <margret@landmotun.is>
Efni: Ósk um umsögn verkefnislýsing á endurskoðun aðalskipulags Skagastrandar

Góðan daginn

Fyrir hönd Sveitarfélagsins Skagastrandar er óskað umsagnar um meðfylgjandi skipulags- og matslýsingu vegna endurskoðunar Aðalskipulags Skagastrandar 2019-2031. Gefinn er frestur til 5. júní til að gefa umsögn.

Óskað er eftir staðfestingu á móttöku pósts.

Með kveðju

Description: Description: Description: cid:image005.png@01CD9BE6.69076C90Óskar Örn Gunnarsson skipulagsfræðingur SFFÍ

LANDMÓTUN sf – hönnun, skipulag, ráðgjöf og kortagerð.

Sími: 575 5306 / 847 4346 / www.landmotun.is

Hugsaðu þig um áður en þú prentar út þennan tölvupóst. Láttu umhverfið ávallt hafa forgang.

Landmótun á facebook [Description: Description: Description:](#)

<http://www.landmotun.is/wp-content/themes/twentyten/img/facebook.png> Landmótun á

twitter [Description: Description: Description:](#)

<http://www.landmotun.is/wp-content/themes/twentyten/img/twitter.png> ISO 14001 



- image001.png



- image002.png



- image003.png